

**“Навоий кон-металлургия комбинати” акциядорлик жамияти ҳамда
Ўзбекистон Фахрийларини ижтимоий қўллаб қувватлаш – “Нуроний”
жамғармаси Навоий вилоят бўлими ўртасидаги коррупцияга қарши
курашиш соҳасида ўзаро ҳамкорлик тўғрисидаги
МЕМОРАНДУМ**

Бир томондан “Навоий кон металлургия комбинати” акциядорлик жамияти (*кейинги ўринларда – “НКМК” АЖ*), иккинчи томондан Ўзбекистон Фахрийларини ижтимоий қўллаб қувватлаш – “Нуроний” жамғармаси Навоий вилоят бўлими (*кейинги ўринларда – вилоят “Нуроний” жамғармаси*) Ўзбекистон Республикаси Конституцияси, қонунлари ҳамда халқаро ҳуқуқнинг умумэтироф этилган меъёр ва тамойилларига таянган ҳолда, Ўзбекистон Республикаси Президентининг 2020 йил 29 июндаги “Ўзбекистон Республикасида коррупцияга қарши курашиш тизимини такомиллаштириш бўйича қўшимча чора-тадбирлар тўғрисида”ги ПФ-6013-сон Фармони, шунингдек, коррупцияга қарши курашиш бўйича амалдаги норматив-ҳуқуқий ҳужжатларнинг мақсад ва вазифаларга асосланиб, “НКМК” АЖда коррупцияга қарши курашиш соҳасида мақсад ва вазифаларнинг изчил амалга оширилишини таъминлаш борасидаги ҳамкорликни қўллаб-қувватлаш ҳамда ривожлантириш мақсадида, қуйидагилар тўғрисида келишиб олдилар:

I. Ҳамкорликнинг асосий йўналишлари

1. Қуйидаги йўналишларда ҳамкорлик қилинади:

Аҳоли ва ходимлар ўртасида коррупцияга қарши курашиш соҳасидаги маданиятни шакллантириш.

биргаликда семинарлар, тренинглар ва давра суҳбатлари ташкил этиш;
давлат харидларида жамоатчилик назоратини кучайтириш;

коррупциявий хавф-хатарларни аниқлаш ва уларни бартараф этиш бўйича таклифларни ишлаб чиқиш.

II. Томонларнинг вазифалари

2. “НКМК” АЖ:

Тегишли норматив-ҳуқуқий ҳужжатларда ўзига белгиланган устувор вазифалардан келиб чиққан ҳолда, вилоят “Нуроний” жамғармаси билан ўзаро ҳамкорлик алоқаларини ўрнатади, шу жумладан, томонларнинг келишувига асосан ҳамкорликда тарғибот тадбирларини ташкил қилади;

Вилоят “Нуроний” жамғармаси билан биргаликда нуронийларни қўллаб-қувватлаш ва улар ҳуқуқларини ҳимоя қилиш бўйича тегишли таклифларни ҳамкорликда ишлаб чиқади ва амалга оширади;

нуронийларни коррупцияга қарши курашиш бўйича жамоатчилик

назоратини амалга оширишга жалб этади ва кўмкалашади;

Вилоят “Нуроний” жамғармаси томонидан коррупцияга қарши курашиш йўналиши доирасида ташкил этиладиган тарғибот ва профилактик тадбирлар, давра суҳбатлари, хорижий мутахассислар иштирокидаги учрашувлар, муҳокамалар ва семинарларга таклиф этади;

Коррупцияга қарши курашиш йўналиши доирасида “НКМК” АЖ Комплаенс хизмати ходимлари томонидан ўтказиладиган муҳим аҳамиятга эга бўлган тадбирларда вилоят “Нуроний” жамғармаси иштирокини таъминлайди.

3. Вилоят “Нуроний” жамғармаси:

Ўз ваколатлари юзасидан амалга оширадиган вазифалари доирасида коррупцияга олиб келувчи омиллар фактини кўрсатувчи ҳолатлар ва аломатлар аниқланганда, Комплаенс хизматини хабардор қилади;

Коррупцияга қарши курашиш бўйича чора-тадбирлар дастурларини амалга оширишда Комплаенс хизмати билан яқиндан ҳамкорлик қилади;

Жамғарма томонидан коррупцияга қарши курашиш йўналишида давра суҳбатлари, соҳа мутахассислари иштирокидаги учрашувлар, муҳокамалар ва семинарлар ташкил қилади.

III. Ҳамкорликнинг амалга оширилиши

4. Томонлар мазкур Меморандумнинг 1-бандида назарда тутилган вазифалар бўйича ўзаро ахборот алмашадилар, ҳамкорлик масалалари бўйича ишчи учрашувлар ўтказадилар ҳамда зарурий маслаҳатлашувларни амалга оширадилар.

Ҳамкорликни самарали амалга ошириш мақсадида томонлар:

Ўз вакилларида иборат ишчи гуруҳларини тузиш, шунингдек, давлат ва хўжалик бошқаруви органлари, жамоат ташкилотлари ва оммавий ахборот воситалари мутахассисларини жалб қилиш;

Ҳамкорлик йўналишларидан келиб чиқиб, томонларнинг келишувига кўра, қонун ҳужжатларига зид бўлмаган ҳамкорликнинг бошқа шаклларида ҳам фойдаланиши мумкин.

5. Меморандум доирасида томонлар коррупцияга қарши курашиш соҳасидаги норматив-ҳужжатлар, стратегия ва йўл хариталарида белгиланган вазифаларни ўз вақтида ва сифатли бажарилишини ташкил этиш мақсадида қўшма режаларни қабул қилиши мумкин.

IV. Томонларнинг мажбуриятлари

6. Томонларнинг мажбуриятлари қуйидагилардан иборат:

Коррупцияга қарши белгиланган вазифаларни амалга ошириш бўйича конференция, семинар, тренинг, давра суҳбатлари, форум ва бошқа

тадбирларни ташкил этишда малакали мутахассислар иштирокини таъминлаш;

ушбу Меморандум ёки унга мувофиқ тузилган бошқа келишувларнинг бажарилиши вақтида ҳар бир томон иккинчи томонга такдим этган ёки ундан қабул қилган ҳужжат, конфиденциал ахборотларни ёки бошқа маълумотларни ошкор қилмаслик;

ахборот алмашинувини тизимли равишда йўлга қўйиш.


V. Яқунловчи қоидалар

7. Меморандумга ўзгартириш ва қўшимчалар икки томоннинг келишувига асосан амалга оширилади.

Меморандумни имзоловчилар:

“НКМК” АЖ


Бош муҳандиси



А.Ф.Равшанов

“06” июнь 2026 йил

Вилоят “Нуроний” жамғармаси
раиси



Ш.Ш.Набиев

“06” июнь 2026 йил

KIRISH № 8884

2026y. «24» 06

